

Surat khabar: Mingguan Sarawak (Sada Sarawak)

Hari/Tarikh: 10/4/2016

Muka surat: S1

Tajuk : Sistem UF alternative dikena mekal ai beresi menua pesisir

Sistem UF alternatif dikena mekal ai beresi menua pesisir

SELANGAU: Ngena Sistem Ultrafiltration (UF) bisi jalai ulih mujur dikena mutarka penang-gul bekal ai beresi/ke udah ditapis ba kandang menua ulu di Sarawak enggau Sabah.

Sistem UF digaga (design) tim injinering ari Universiti Malaya (UM), Universiti Malaysia Sarawak (UNIMAS) enggau Malaysia Innovation Hub ke bekerejasa-ma nyediaka sistem nya dikena naps ai irup di Sarawak.

Menteri ba Opis Menteri Besai, Datuk Joseph Entulu Belaun ngumbai Sistem UF ke ngena kuasa solar tauka elektrik nelan belanja urung RM100,000 seunit sigi endang patut amat enti kitai meratika gaya di nengeri Sarawak.

"Nitihka ati aku projek tu deka diatur be serata menua pesisir di Sarawak enggau Sabah enti nyema bisi agih. Projek ke baka tu endà berapa beguna di Semenanjung nya kebuah kami ngemeranka projek tu ba Sarawak enggau Sabah.

"Tadi aku udah berandau baka ni mayuh bengkah alternatif ke ulih dikena kami nginga agih," ku Entulu.

Iya mansutka jaku munyi nya ngagai pengarang berita pengudah bejadi Sistem UF ke ulih naps ai ba Rumah Senabong kemari.

Joseph Entulu ti mega Kaban Parlimen Selangau madahka, Sistem UF ke udah dipasang ba Rumah Senabong mengkang ba

endur nya laban belanja dikena nyediaka sistem nya ditanggung Opis Menteri Pelajar Tinggi.

Entulu mega ngasuh bala tuai mensia mayah enggau penghulu ngambika nganjung ripih nama rumah panjai ke deka dibekal enggau sistem nya.

"Ya, aku beguna ripih nama rumah panjai laban kami enda ulih meri genap rumah panjai ke jauh ari pangan diri laban kos tekalalu mar ngasuh kami enda ulih.

"Nya kebuah utai ke deka diperambuka aku nya bisi tumpuh rumah panjai sereta berapa ruang bilik bisi ba endur nya lalu nya deka dikemeranka kami sereta kandang nya mega jauh ari tisi jalai raya.



DIPEJADI ... Datuk Joseph Entulu ngerat riben tanda bejadi Sistem UF ba Rumah Senabong sereta diperatika (ari kiba) Professor Dr. Mohamed, Professor Dr. Arham, Professor Ir Dr. Mohd Azlan enggau Michael (kanan).

"Iya ke disengkaum dalam perambu aku nya endur tauka tumpuk rumah panjai ke lama nganti bekal ai beresi ari sistem varitukulasi lalu nya deka dikemeranka kami.

"Ngagai rumah panjai ke pandak aku deka berunding ngena chara bukai, engka deka mengkang ngena sistem graviti tauka chara bukai ke atai aku benung berunding," ku iya.

Lebuh ditanya senentang Sistem UF enti dibandingka enggau Life Saver, Entulu madahka, ba timpuh ke panjai ari aspek

kos, Sistem UF sigi endang patut enti dibandingka enggau Life Saver ke seruran begunaka servis ba mayuh bengkah endur di Sarawak.

"Nitihak penerang, sapa deka nyedika servis ngagai sistem Life Saver bedau kala dipeju-raika. Ba kandang aku empu mayuh amat unit Life Saver nyentukka sehari tu agi bedau dikena taja pan udah dipasang.

"Kebuah baka nya ... baka kitai ke udah nemu orang kampung taja pan udah dipadaha

baka ni chara ngena sistem nya tang sida iya lalu bedau nemu nyentuka sehari tu.

"Sistem UF senenang amat dikena semina suis On enggau suis Off aja," ku Entulu.

Pengawa ngemansangka Sistem UF ditanggung Opis Pelajar Tinggi ngena geran ngasilka prototaip ke udah diuji ba mayuh bengkah endur di Malaysia nyengkaum Termeloh, Pahang maya penusah ampuh ba ujung taun 2014.

Sama bisi enggau maya pengemai nya Tuai Opis UM, Pro-

fessor Ir Dr. Mohd Azlan Hus-sain, Sapit Dekan UM, Professor Dr. Mohamed Kheireddine Aroua, Pengarah Opis Pemadahan Industri Opis Menteri Pelajar Tinggi, Assoc. Professor Dr. Arham Abdullah, Tuai Pemesai Eksekutif Malaysia Innovation Hub (MIH), Vincent Wong Wai Sang, Dr. Nazeri Abdul Rahman ari Opis Injinering Kimia enggau Sustainable Energy Fakulti Injinering UNIMAS, Penghulu Jirum Jurampang Ratoh enggau Penghulu Michael Jelani sereta sida ke bukai.



AI BERESI ... Datuk Joseph Entulu ensepi ai beresi ke udah ditapis ngena Sistem UF maya pengerami bejadi sistem nya ke diperatika (ari kanan) Professor Ir Dr. Mohd Azlan, Professor Dr. Mohamed enggau Tuai Rumah Senabong kemari.